

壬戌諫院啓曰近來習尚不義公道不行躁進之風莫可救止豈
不寒心訓練院叅下官負與文官之四館無異入屬權知者以次
陞遷例也雖或出外若有任事則猶在本院豈可以在外之故而
擅降其座乎如有差僉使萬戶權管者則為下官者幸其出外圖
為越薦而上官聽其私囑任意陞降略不知愧今夏等都目亦有
如是而越薦者循私滅公莫此為甚弊習不可不痛革請其時
上官長公事負罷職不次陞遷者改正訓練正不為糾察請推考
答曰如啓○未時太白見於午地

癸亥夜東方南方西方如火氣

甲子 上親傳

宗廟永寧殿秋享大祭香祝○以全羅左道

水使

崔終

啓本

三島

倭浦倭船一隻八

右道水使

吳

啓本

青藤

捕

其餘或投水或登陸事

傳于政院曰今觀全羅左右水使啓本

則捕倭時我軍無一人死傷云臨敵相戰之時豈無一人被傷乎水
使則從實馳啓監司則訪問馳啓事下書且倭船連續現形防
備諸事益勤措置事監兵使水使處并下書○未時太白見於